


清華外文叢書

卷一百零一至卷一百零二

一九一九年三月



清季外交史料

附索引及西巡大記事

中華民國十二年一月初版

總發行人王希隱

北平迺道互通茲府關東東七號

版權所有印翻必究

清季外交史料卷二二百零一

光緒三十三年正月至二月

目錄

外部致趙爾巽大連灣設關事已與日使酌辦電正月初九日

吉林將軍達桂致外部日領謂內地不准雜居爲違約請據理晤商

電十一日

吉林將軍達桂致外部日領動引會議錄究有幾種請速寄電

二十
五日

外部致達桂日員所引如爲約章所無者電商本部電二十七日

外部致浙撫張曾敘日商在衢租棧買腦不准懸牌電二十八日

外部致英使朱邇典商務委員並非禁止英員與藏民直接交易希

飭和平辦事節略二十八日

趙爾巽袁世凱致外部請與日使議訂滿韓陸路通商專章電二月

初一日

盛京將軍趙爾巽致樞垣遵籌東三省應辦事宜電初三日

駐藏大臣聯豫奏詳陳藏中情形及擬辦事宜摺附清摺初五日

河南開封道致美領馬墩商辦雞公山案請見覆照會初六日

駐漢美領馬墩覆開封道雞公山案已公舉英領與張督之洞商辦

照會十四日

河南開封道致馬墩牧師在雞公山買地轉售與約不符仍請撤退

照會十七日

郵傳部奏汴洛鐵路工款不敷擬續借比款摺十八日

鄂督張之洞致郵傳部英商願借款修路請由部借鄂還電十八日
湘撫岑春萱致外部日商如抗繳認定之捐前許留船碼頭地段亦
擬作廢電二十一日

吉林將軍達桂致外部自辦吉長路日領並無異言電二十六日

直督袁世凱致外部鐵奉兩處護路兵請商令在路界內屯紮電三

十日

吉林將軍達桂致外部日領擬在頭道溝買地建房請據約駁斥電

三十日

外部致趙爾巽日軍撤退應按自治全權經理整頓電三十日

外部致趙爾巽護路兵警有無區別希密察電達電三十日

大清貢使給定日軍械及彈藥一百箱全副裝置運到計三十五

箱由軍械司收存

吉林採買經費交我局日給款五頭銀兩以供該處辦事新陳建永重

十日內付給

直省支廿兩運長照辦奉兩處轉批送至滿洲內事禁酒三

吉林採買經費交我局自銀吉員額日給並照異言計二十六日

新舊銀子均開列於後

略照舊者實延於清日商取於那羅安之號前指留銀和頭與身衣

襪等項所送海陸路共四百箱每箱器物由滿者帶累計十八日

清季外交史料卷二百零一

黃巖弢夫王彥威輯

男希隱亮編

孫孝章敬立校

外部致趙爾巽大連灣設關事已與日使酌辦電

陽電悉大連灣設關事日俄未開戰以前曾由總稅司與俄商議酌照膠關辦法已具大略因戰事而寢議此次迭催日使照會合同由我設立稅關據照覆政府允仿照膠州設關之例已札總稅司與日使酌議辦法惟查膠關派有稅司兼關道之職分權柄徑接北洋大臣並無另設監督大連灣亦屬租地情事相同俟議定再行奉達正月初九日

吉林將軍達桂致外部日領謂內地不准雜居爲違約
請據理晤商電

昨准駐奉日總領事萩原電稱聞華官示禁居民城內不租房於外人與約不合應請撤回不允即轉告北京鳴其違約等情查各處開埠係專指商場界內而言不能因該處通商遂泛及城廂內外前准大部照會各國使臣聲明俟中國訂有租建專章方可開辦等因日商至吉自應聽候部章宣布方可租建貿易警局出示亦祇民間私租恐釀交涉至各國官商抵境者無不飭員照章保護代覓旅舍中國本無內地雜居之例如謂城內房屋曾准私租即屬違約試問違背者果屬何約何款今已電覆萩原駁阻想日使必向鈞部饒舌應請接晤時據理駁阻

仍俟埠章定後再於埠內租建營業以符原議再查自林使蒞任對待我國之方針一變爲強硬手段彼國輿論不甚謂然近日長春領事多有非分之要求均經據約駁斥併聞正月十一日

吉林將軍達桂致外部日領動引會議錄究有幾種請速寄電

迭准萩原來照動引會議錄及中日條約多爲現行約章所無者究竟庚子以後與日本所訂之約共有幾種請飭揀鈔速寄以憑辦理 正月二十五日

外部致達桂日員所引如爲約章所無者電商本部電有電悉庚子後與日訂約只有商約及會議東三省事宜條約此外日

員所引如爲約章所無者可隨時電商本部核覆正月二十七日

外部致浙撫張曾敷日商在衢租棧買腦不准懸牌電
日商在衢州租棧買腦事接准臘月敬電已照覆日使茲日使復來照
辨論謂該日商實係借棧存貨並非開設店鋪懸掛牌號不過揭貼商
名便於辨認此屬外形上之細事不得即目爲開設行棧浙撫對於日
領又謂租屋已及一箇月以上不得謂之暫租未免強辨又洋商入內
地購土貨本有請領三聯單及逢關納稅遇卡抽釐兩樣辦法若無海
關單照即不准入內地購貨何所據而云然此事侵害日商條約上之
權利希再飭速將該處分註銷等語該日商租棧如果僅爲存貨並未
在該處買賣貨物照似難駁阻惟仍應不准懸掛牌號至有無聯單

應於運貨時在第一子口查驗分別辦理希查明電覆正月二十八日

外部致英使朱邇典商務委員並非禁止英員與藏民

直接交易希飭和平辦事節略

昨准面稱駐藏張大臣所派江孜高委員遇事阻止英員與藏民直接交涉等情正擬電詢間接准駐藏張大臣文稱英國駐京大臣所稱江孜商務委員阻止英員與藏民直接交涉一節已將大概情形先行電覆茲據高委員稟覆內稱先於去年十月初五日據江孜如琫營官等稟稱華九月二十五日即西十一月十一日英郵局所用之藏人信差兩名一名浦一名明佐在喀拉地方之番民周本康熬兒家搶去小麥八十克並向該民索草四十捫同日又據如琫等稟稱華九月二十七

日卽西十一月十三日英員之馬夫頭目藏人名采因泥瑪者在附近江孜之龍布西崗雜野打拉等三處地方強勒民人供給柴草糧食等物爲數甚鉅十月初四初六兩日迭據如琫等稟稱英員處之藏人買辦名斗娃江孜者將番官代卑局所辦之柴草各三駝牛糞七駝概行搶去委員即將此事知照英員旋於初八日會同英員將原被告質訊英員之馬夫買辦等確有搶柴峒嚇之事經英員分別懲辦在案惟江孜商埠居民不過數家既無鋪戶又無經紀所有採辦糧米柴草若不託番官代辦只能向四處番民商量通融乃英員處所用之番民一經派出搜羅柴草即魚肉蠻愚無所不至委員自到差以來接有番民稟控英員之買辦強買勒價之稟十四件之多深恐番民無知集怨日久

羣起與英員買辦爲難則勢必釀成重案故於去年十月初六日與英員籌商所有英員應需糧草或暫託番官試爲代辦或由委員轉飭代辦俾免意外之虞即價錢一節雖無實在市價亦可會同番官及廓爾喀委員查明公平估價每七日查詢一次免致番民嘖有煩言此原係彼此通融辦法英員甚表同情有中十月初七日卽西十一月二十二日覆函爲據嗣仍不按時價發給又向番官索取夫馬爲遣派洋醫赴四鄉強迫番民種痘經一再駁詰始將醫生撤回委員於十月十九日函致英員斥其收買糧草不照時價發給任意破壞條約當據實稟報上憲電達外部與貴國駐京大臣交涉至該英員與委員所商之事並無衝突不知因何忽稟印政府實所不解合將與該英員交涉各節據

實縷稟等因本大臣復加查核該委員所稟各節均屬實情應請察照並希照會英國駐京大臣轉覆印度政府等因前來查該大臣據稟咨行各節是駐江孜商務委員實爲顧全兩國睦誼起見並非禁止英員與藏民直接交易尙希查照電達印度政府轉飭在江孜英員以後務要和平辦事是爲至要正月二十八日

趙爾巽袁世凱致外部請與日使議訂滿韓陸路通商

專章電

據東邊道電稱韓商來貨向上中江稅日本擬跨鴨綠江造橋聯絡安東京義鐵路應請另議中韓陸路通商條約查中俄陸路商約貨稅三分減一日本必援案要求現安東開關在即江橋未造恐日商海上來

貨先在鴨江左岸韓國義州轉載過江託名鐵路運來希冀減稅刻與
稅務司巴倫商酌韓約未定之先如義州過江來貨有鐵路憑單者准
三分減一無者照海關章程辦理巴稅司已另函告赫總稅司懇速電
請部示以便遵照等情查中日新約訂明滿韓交界陸路通商彼此應
按照相待最優國之例辦理所有該處貨物如確係由韓界陸路運來
者可援中俄邊界稅例核辦如由海口運入者應照海關進口稅則徵
收並由該關隨時稽查嚴杜託名影射祈核飭總稅司議明轉行遵照
並請大部一面與日使按照條約議訂滿韓陸路通商詳細專章以資

遵守二月初一日

盛京將軍趙爾巽致樞垣遵籌東三省應辦事宜電

頃欽奉寄諭以東三省爲根本重地日俄兵隊已將盡撤一切應辦事宜飭即趕緊籌辦並飭認眞緝捕土匪切勿重徵苛歛力戒因循黨或遲疑觀望致誤事機定惟該將軍是問等因欽此仰見皇太后皇上眷念陪都力圖整頓之至意欽悚莫名伏念爾巽奉命蒞東在戰事未停之際嗣雖兩國議和而撤兵之期較遠遼東全境均在日人肘腋之下軍政官事事牽制幾於無從措手爾巽外應強敵內撫遺黎草創經營惟日不足其一切規畫全爲今日撤兵地步當時日人循俄舊轍只准有巡隊不准練新軍爾巽曾與袁世凱密商欲將北洋軍隊進紮省城日人不允是以出關各隊僅駐於已經交還暨客軍未至之地省城辦一陸軍小學堂時來干涉其明徵也不知者乃謂外人並不干涉練兵